

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVII)7

**SOALAN BERTULIS OLEH AHLI KAWASAN BERTAM
YB. KHALIQ MEHTAB BIN MOHD ISHAQ**

7. Mohon pencerahan mengenai status stadium hoki dan bowling padang di Kompleks Sukan MPSP. Kemudahan yang masih tidak boleh digunakan dan ianya agak mengecewakan.

**YB. SOON LIP CHEE
MENJAWAB BAGI PIHAK Y.A.B KETUA MENTERI**

7. Stadium hoki di Kompleks Sukan dan Rekreasi Majlis Perbandaran Seberang Perai (MPSP), Bertam telah ditutup sejak tahun 2010 disebabkan kerosakan padang rumput sintetik yang telah luput tempoh hayatnya.

MPSP telah membuat permohonan peruntukan untuk menaik taraf padang hoki tersebut sejak Rancangan Malaysia Kesembilan (RMK 9), namun masih belum diluluskan oleh Kerajaan Persekutuan.

Walau bagaimanapun, dalam mesyuarat bersama Kementerian Belia dan Sukan pada 20 April 2018, MPSP telah dimaklumkan bahawa peruntukan sebanyak RM5 juta telah diluluskan untuk menaik taraf stadium hoki tersebut namun kerja-kerja masih belum dimulakan oleh pihak Kementerian Belia dan Sukan. Peruntukan ini telah diluluskan oleh Kementerian Kewangan melalui Kementerian Belia dan Sukan. Namun Surat Setuju Terima (SST) belum dikeluarkan. Perkara ini ditangguhkan sehingga mendapat kelulusan Yang Berhormat Menteri Belia dan Sukan.

Bagi gelanggang *bowling* padang, kemudahan tersebut masih boleh digunakan.